



O'ZBEKISTON RESPUBLIKASI NAMANGAN VILOYATI HOKIMINING QARORI

Namangan sh. Istiqlol ko'chasi 57.

2021 - yil 14 - noyabr

359-6-0-Q/21

Namangan viloyati hokimligi

Ўзбекистон Республикаси Президентининг “Спорт таълими тизимини тубдан такомиллаштириш орқали олимпия ва паралимпия спорт турлари бўйича спортчилар захирасини шакллантириш сифатини янада ошириш чора-тадбирлари тўғрисида” 2021 йил 5 ноябрдаги ПҚ–5279-сон қарори ижроси ҳақида

Ўзбекистон Республикаси Президентининг “Спорт таълими тизимини тубдан такомиллаштириш орқали олимпия ва паралимпия спорт турлари бўйича спортчилар захирасини шакллантириш сифатини янада ошириш чора-тадбирлари тўғрисида” 2021 йил 5 ноябрдаги ПҚ–5279-сон қарорини вилоятда ижросини таъминлаш мақсадида, “Маҳаллий давлат ҳокимияти тўғрисида”ги Ўзбекистон Республикаси Қонунининг 6 ва 25-моддаларига асосан,

ҚАРОР ҚИЛАМАН:

1. Ўзбекистон Республикаси Президентининг “Спорт таълими тизимини тубдан такомиллаштириш орқали олимпия ва паралимпия спорт турлари бўйича спортчилар захирасини шакллантириш сифатини янада ошириш чора-тадбирлари тўғрисида” 2021 йил 5 ноябрдаги ПҚ–5279-сон қарори ижро учун қабул қилинсин.

2. Ўзбекистон Республикаси Президентининг мазкур қарори билан:

Олимпия захиралари коллежлари негизида Таълимнинг халқаро стандарт таснифлагичининг 5-даражасига мос таълим муассасаси шаклидаги

олимпия ва паралимпия захиралари коллежлари ташкил этилиши;

белгиланишича, 2022/2023 ўқув йилидан (2022 йил 1 сентябрдан) бошлаб:

олимпия ва паралимпия захиралари коллежлари контингенти фақат олимпия ва паралимпия спорт турлари бўйича шакллантирилиши (бундан миллий кураш ҳамда алоҳида Ҳукумат қарорлари билан белгиланган спорт турлари мустасно);

Ўзбекистон Миллий паралимпия қўмитаси тавсиясига асосан олимпия ва паралимпия захиралари коллежларининг тегишли паралимпия спорт турлари бўлимларига юборилаётган жисмоний имконияти чекланган ва ногиронлиги бўлган спортчилар учун 10 фоизгача қўшимча квоталар ажратилиши;

олимпия ва паралимпия захиралари коллежларида таълим жараёни умумий ўрта таълим ҳамда ўрта махсус профессионал таълим босқичларида амалга оширилиши;

олимпия ва паралимпия захиралари коллежларига қабул квоталари ҳар бир спорт турининг хусусиятидан (вазн тоифаси, спортчилар сони, шу жумладан спортчи-аёллар сони, жамоавий спорт турлари бўйича тегишли спорт турида иштирок этадиган спортчилар сони ва бошқалар) келиб чиқиб шакллантирилиши;

олимпия ва паралимпия захиралари коллежлари, шунингдек, болалар-ўсмирлар спорт мактаблари ҳамда ихтисослаштирилган болалар-ўсмирлар спорт мактабларида қабул квоталари эркаклар ва аёллар учун 2024/2025 ўқув йилидан бошлаб тенг равишда белгиланиши (2022/2023 ўқув йилида аёллар улуши 30 фоиз, 2023/2024 ўқув йилида - 40 фоиз, 2024/2025 ўқув йилида - 50 фоизни ташкил қилиши);

олимпия ва паралимпия захиралари коллежлари мавжуд моддий-техник базасидан келиб чиқиб ҳудудларда ривожланган олимпия ва паралимпия спорт турларига ихтисослаштирилиши;

олимпия ва паралимпия захиралари коллежлари ўқувчиларини текин (имтиёзли) овқатлантириш харажатларини қисман қоплаш учун ота-оналар тўлови бекор қилиниши ҳамда ўқувчилар тўлиқ Давлат бюджети маблағлари ҳисобидан озик-овқат билан таъминланиши;

олимпия ва паралимпия захиралари коллежлари директорлари халқ депутатлари туман (шаҳар) Кенгашлари ва жамоатчилик вакилларига ушбу қарорда белгилаб берилган вазифалар ижроси юзасидан ҳар йил якуни бўйича ҳисобот бериши ва унинг натижасига кўра улар фаолиятига халқ депутатлари туман (шаҳар) Кенгашлари томонидан баҳо бериб борилиши, бунда, баҳо натижалари коллежлар директорларини рағбатлантириш (шу жумладан бошқа лавозимларга кўтариш) ва уларга нисбатан тегишли чоралар кўриш (шу жумладан лавозимидан озод қилиш) учун асос бўлиб хизмат қилиши;

Ўзбекистон Миллий олимпия қўмитаси, Ўзбекистон Миллий паралимпия қўмитаси, спорт федерация (ассоциация)лари олимпия ва паралимпия захиралари коллежларига жойлардан иқтидорли ёшларни аниқлаш, танлаш ва саралашга (селекция) яқиндан кўмаклашиши, ушбу ишларни амалга ошириш учун бошқа спорт-таълим муассасалари билан доимий алоқа ўрнатилиши;

Ўзбекистон Миллий олимпия қўмитаси, Ўзбекистон Миллий паралимпия қўмитаси, олимпия спорт турлари бўйича спорт федерация (ассоциация)лари ҳудудларда селекционер лавозимини жорий этиши;

шундай тартиб ўрнатилганки, унга мувофиқ:

2022 йилдан бошлаб туман (шаҳар)да олимпия ва паралимпия спорт турлари бўйича расмий спорт мусобақаларини ўтказишни молиялаштириш учун 110 миллиард сўм маблағ ажратилиши (республика бюджетидан - 55 миллиард сўм, маҳаллий бюджетлардан - 55 миллиард сўм) ҳамда ушбу мақсадлар учун ҳар йили ҳар бир туман (шаҳар)га 300 миллион сўмдан 1 млрд сўмгача берилиши, бунда, ушбу маблағларнинг ажратилганлиги ва унинг харажатлари “Очиқ бюджет” ахборот порталига жойлаштириб борилиши;

ҳар бир маҳалла, умумий ўрта таълим мактаби, ўрта махсус профессионал таълим муассасасида жамоавий спорт турлари (баскетбол, волейбол, гандбол, футбол ва бошқалар) бўйича жамоалар тузилиши, бунда, маҳалладаги жамоаларга - спорт-таълим муассасалари тренерлари, умумий ўрта таълим мактаблари ва ўрта махсус профессионал таълим муассасаларидаги жамоаларга - жисмоний тарбия ўқитувчилари масъул этиб белгиланиши;

олий таълим муассасалари жисмоний тарбия ва спорт фаолияти йўналишларининг 3-4-курсларида таҳсил олаётган талабаларга мактабгача таълим ташкилотларида жисмоний тарбия йўриқчиси, умумий ўрта таълим мактабларида жисмоний тарбия ўқитувчиси, спорт- таълим муассасаларида тренерлик фаолияти билан шуғулланишга рухсат берилиши ҳамда уларга ўрта-махсус маълумотли педагогнинг базавий тариф ставкалари бўйича ҳар ойда иш ҳақи тўлаб борилиши;

Олимпия ва Паралимпия ўйинларига мақсадли тайёргарлик кўраётган спортчи, тренерлар ва бошқа мутахассисларга, шу жумладан хорижий спорт мутахассисларига Давлат бюджетидан тўланадиган ойлик иш ҳақлари Вазирлар Маҳкамаси томонидан белгилаб берилган мезонлар асосида тўлаб борилиши;

“Жисмоний тарбия ва спорт тўғрисида”ги Қонунга мувофиқ республикада халқаро тоифадаги Ўзбекистон спорт устаси ёки халқаро гроссмейстер, Ўзбекистон спорт устаси ёки Ўзбекистон гроссмейстери спорт унвонлари, шунингдек, Ўзбекистон спорт усталигига ёки Ўзбекистон гроссмейстерлигига номзод, биринчи, иккинчи ва учинчи спорт разрядлари, усмирлар учун биринчи, иккинчи ва учинчи спорт разрядлари белгиланганлиги;

Туризм ва спорт вазирлиги, Ўзбекистон Миллий олимпия қўмитаси ва Ўзбекистон Миллий паралимпия қўмитасининг болалар-ўсмирлар спорт мактаблари, ихтисослаштирилган болалар-ўсмирлар спорт мактаблари, олимпия ва миллий спорт турларига ихтисослаштирилган давлат мактаб-интернатлари, олимпия ва паралимпия захиралари коллежлари ҳамда республика олий спорт маҳорати мактабларида 2022 йил 1 январдан бошлаб унвонли ва разрядли спортчиларни давлат буюртмаси асосида тайёрлаш тизимини жорий этиш тўғрисидаги таклифи маъқулланганлиги;

белгиланишича:

давлат буюртмаси асосида тайёрлаш тизими спорт-таълим муассасаларининг ўқув йили бошидан бошлаб режали ишлашини ташкил этиш, улар раҳбарияти ва тренерлар таркибининг масъулиятини ошириш, спорт объектлари ва иншоотларидан самарали фойдаланиш, бюджет маблағларини тўғри ишлатиш мақсадида жорий қилиниши;

давлат буюртмаси асосида тайёрлаш тизими спорт-таълим

муассасаларининг моддий-техник базаси, тренерларнинг сифат таркиби, шуғулланувчиларнинг сони ва бошқа муҳим кўрсаткичлардан келиб чиқиб шакллантирилиши;

давлат буюртмаси асосида унвонли ва разрядли спортчилар спорт турлари реестрига киритилган ҳамда ягона спорт таснифи мавжуд бўлган спорт турлари бўйича тайёрланиши;

спорт унвонлари ва разрядлари спортчиларга умрбод берилиши;

Олимпия ва Паралимпия, Осиё ва Параосиё ўйинларига лицензияларни қўлга киритиш учун саралаш мусобақалари, жаҳон чемпионатлари ва бошқа йирик халқаро мусобақаларда иштирок этиш учун номзодлар, шунингдек, Ўзбекистон Республикасининг спорт терма жамоалари таркиблари биринчи навбатда унвонли ва разрядли спортчилар орасидан танлаб олиниши;

белгиланишича, 2022/2023 ўқув йилидан бошлаб:

болалар-ўсмирлар спорт мактаблари, ихтисослаштирилган болалар-ўсмирлар спорт мактаблари ҳамда олимпия ва миллий спорт турларига ихтисослаштирилган давлат мактаб-интернатларига ўқувчиларни қабул қилишда уларнинг жисмоний тайёргарлик даражасини баҳолаш тизими бўйича спорт синовларини муваффақиятли топширганлиги муҳим мезон ҳисобланиши;

болалар-ўсмирлар спорт мактаблари ва ихтисослаштирилган болалар-ўсмирлар спорт мактаблари фаолиятига спортга кенг жалб қилинган болалар ва ўсмирлар, давлат буюртмасига асосан тайёрланган унвонли ва разрядли спортчилар, республика ва халқаро спорт мусобақаларида ғолиб ва совриндор бўлган спортчилар, олимпия ва паралимпия захиралари коллежларига қабул қилинган ўқувчилар сонига қараб баҳо берилиши;

олимпия ва паралимпия захиралари коллежлари, олимпия ва миллий спорт турларига ихтисослаштирилган давлат мактаб-интернатлари ҳамда республика олий спорт маҳорати мактаблари фаолиятига давлат буюртмасига асосан тайёрланган унвонли ва разрядли спортчилар, спорт турлари бўйича миллий терма жамоаларнинг асосий ва захира таркибига киритилган спортчилар, Олимпия ва Паралимпия, Осиё ва Параосиё ўйинлари, жаҳон, Осиё, Ўзбекистон чемпионатлари (кубоклари) ғолиблари ва совриндорлари сонига қараб баҳо берилиши;

болалар-ўсмирлар спорт мактаблари, ихтисослаштирилган болалар-ўсмирлар спорт мактаблари, олимпия ва миллий спорт турларига ихтисослаштирилган давлат мактаб-интернатлари, олимпия ва паралимпия захиралари коллежлари раҳбарларининг спорт бўйича ўринбосарлари ва тренерлари ҳар ярим йилда камида бир марта умумий ўрта таълим мактабларига бевосита ташриф буюриб, иқтидорли ёшларни тегишли спорт-таълим муассасаларига жалб қилиш бўйича селекция ишларини амалга ошириши;

олий таълим муассасаларига ўқишга кириш учун ҳужжатлар қабул қилиш бошлангунига қадар катталар ва ёшлар ўртасида Олимпия ва Паралимпия ўйинлари дастурларига киритилган спортнинг олимпия ва паралимпия турлари бўйича Олимпия ва Паралимпия, Осиё ва Параосиё ўйинларида охириги тўрт йилда, жаҳон ва Осиё чемпионатларида охириги бир йилда ғолиб ва совриндор (1-3 ўрин) бўлган умумий ўрта таълим мактаблари, ўрта махсус профессионал таълим муассасаларининг битирувчилари олий таълим муассасаларининг жисмоний тарбия ва спорт соҳасидаги таълим йўналишларига қўшимча давлат гранти асосида кундузги, сиртқи, кечки таълим шакллариغا имтиҳон синовларисиз қабул қилиниши;

олимпия ва паралимпия захиралари коллежларининг ўрта махсус профессионал таълим босқичининг махсус спорт фанларини муваффақиятли (аъло баҳода) тамомлаган битирувчилар Ўзбекистон давлат жисмоний тарбия ва спорт университети ва унинг филиалларига ҳамда олий таълим муассасаларининг жисмоний тарбия ва спорт фаолияти йўналишларига тўғридан-тўғри иккинчи босқичга яқка тартибдаги суҳбат орқали давлат гранти асосида имтиҳон синовларисиз қабул қилиниши;

Ўзбекистон давлат жисмоний тарбия ва спорт университети ва унинг филиалларида 3-4-курсларда таҳсил олаётган талабаларнинг ишлаб чиқариш амалиёти уларнинг яшаш бўйича рўйхатга олинган жойидан қатъи назар тегишли йўналишлар бўйича устувор равишда давлат спорт-таълим муассасаларида ташкил этилиши;

Ўзбекистон давлат жисмоний тарбия ва спорт университети ва унинг филиаллари битирувчиларига яшаш бўйича рўйхатга олинган жойидан қатъи назар давлат гранти асосида мақсадли қабул параметрларида кўрсатилган туман (шаҳар)да жойлашган давлат спорт-таълим муассасаларида 4 йил

ишлаб бериш мажбурияти юклатилиши;

Республика олимпия захиралари коллежи базасида уч йиллик “специалитет” дастурни амалга оширадиган давлат олий таълим муассасаси шаклидаги ихтисослаштирилган Олий спорт маҳорати институти ташкил қилиниши;

белгиланишича, Олий спорт маҳорати институтига фақат олимпия ва паралимпия захиралари коллежларини битириб олимпия спорт турлари бўйича миллий терма жамоа аъзолари бўлган ёшларнинг спорт натижаларига қараб ҳамда селекция бўйича давлат гранти асосида ўқишга қабул қилиниши;

белгиланишича, 2022 йил 1 августдан бошлаб ҳудудларда иқтидорли ёшларни аниқлаш, танлаш ва саралаш (селекция) махсус спорт тизимини бошқариш платформаси (кейинги ўринларда - Платформа) орқали амалга оширилиши;

бунда:

Платформа Ахборот технологиялари ва коммуникацияларини ривожлантириш вазирлиги томонидан IT-парк дирекцияси резидентлари билан биргаликда ишлаб чиқилиши ва доимий равишда техник қўллаб-қувватланиши;

Платформани ишлаб чиқиш ва ишга тушириш билан боғлиқ харажатлар Ўзбекистон спорт делегациясининг 2021 йилда Токио шаҳрида (Япония) бўлиб ўтган ёзги XXXII Олимпия ўйинларига тайёргарлик кўриши ва иштирок этиши харажатлари сметаси доирасида иқтисод қилинган маблағлар ҳисобидан амалга оширилиши;

Платформа ўтказиладиган Ўзбекистон чемпионатлари (кубоклари)нинг барча босқичлари билан боғлиқ ҳужжатларни рақамлаштириш, барча спорт-таълим муассасаларига ўқувчиларни қабул қилиш, Давлат бюджетидан спорт соҳаси, шунингдек, спорт ва оммавий жисмоний тарбия тадбирларининг республика ва ҳудудий календарь режалари учун ажратиладиган маблағлар тақсимланиши ва ишлатилишининг тўлиқ назоратини амалга ошириш, улар бўйича ҳисоботларни шакллантириш, спорт-таълим муассасаларининг бюджетдан ташқари маблағлар тушумларини назорат қилиш ва ишлатилиши шаффофлигини таъминлаши;

Платформа спорт синовларининг платформаси (www.jtdss.uz) билан

интеграция қилиниши;

спортчи ёшларни аниқлаш, танлаш ва саралаш (селекция) мақсадида Платформада видеохостинг жойлаштирилиши;

Платформада жойлаштирилган энг яхши қисқа метражли видеороликлар спорт соҳасининг малакали мутахассислари хулосаларига асосан танлаб олиниши, энг яхши қисқа метражли видеороликни жойлаштирган шахслар Туризм ва спортни қўллаб-қувватлаш жамғармаси маблағлари ҳисобидан пул мукофотлари билан рағбатлантирилиши;

Платформами ишлаб чиқиш ва унга хизмат кўрсатиш ҳамда кейинчалик модернизациялаш бўйича буюртмачининг функциялари Туризм ва спорт вазирлигига юклатилиши;

шундай тартиб ўрнатилганки, унга кўра спорт турлари бўйича:

а) Ўзбекистон чемпионатлари (кубоклари):

1-босқич - маҳалла (муассаса) миқёсида;

2-босқич - туман (шаҳар) миқёсида;

3-босқич - Қорақалпоғистон Республикаси, вилоятлар ва Тошкент шаҳар миқёсида;

4-босқич - республика миқёсида амалга оширилиши;

б) Ўзбекистон чемпионатлари (кубоклари)нинг финал босқичларида фақат мазкур мусобақаларнинг қуйи босқичларида ғолибликни қўлга киритган ва тегишли ҳужжатларни Платформага жойлаштирган жамоалар (якка спортчилар) иштирок этиши, бунда, ушбу талабларга риоя қилинмаса жамоалар (якка спортчилар) иштирок этишига йўл қўйилмаслиги;

в) Ўзбекистон чемпионатлари (кубоклари) билан кетма-кетликда мавжуд паралимпия спорт турлари бўйича ҳам шу тартибда мусобақалар ўтказилиши;

спорт-таълим муассасаларига ёш ўқувчи-спортчилар билан ишлаш тажрибасига эга ва фаолиятида юқори кўрсаткичларга эришган хорижий мутахассислар (тренер, ўқитувчи ва бошқалар)ни жалб қилишнинг қуйидаги тизими жорий қилинганлиги:

Туризм ва спорт вазирлиги спорт федерация (ассоциация)лари билан

биргаликда 2022/2023 ўқув йилидан бошлаб ҳар бир олимпия ва паралимпия захиралари коллежида камида битта спорт туридан хорижий мутахассис (тренер ва ўқитувчилар)ни жалб қилиши ва хорижий мутахассис иштирокида маҳаллий спортчиларни тайёрлаш методикаси такомиллаштирилиши;

Туризм ва спорт вазирлиги спорт федерация (ассоциация)лари билан биргаликда хорижий мутахассисларга 3-5 нафар малакали маҳаллий мутахассислар ҳамда талабаларни бириктирган ҳолда тажриба алмашиш йўлга қўйилиши ҳамда тренерлар “Олтин фонди” яратилиши;

хорижий ҳамда маҳаллий мутахассислар ва ўқувчи-спортчилар иштирокида Туризм ва спорт вазирлиги томонидан тасдиқланган режа-жадвалга мувофиқ маҳорат сабоқлари, семинар, конференция ва давра суҳбатлари ўтказилиши;

олимпия ва паралимпия спорт турлари бўйича миллий терма жамоаларнинг бош (катта) тренерларини лавозимга тайинлаш ва лавозимидан озод қилиш, шу жумладан хорижий спорт мутахассисларини ишга қабул қилиш Туризм ва спорт вазирлиги томонидан амалга оширилиши;

Ташқи ишлар вазирлиги Туризм ва спорт вазирлиги буюртманомаларига кўра олимпия ва паралимпия захиралари коллежлари ва бошқа спорт-таълим муассасаларига жалб қилинган хорижий мутахассисларга, шунингдек, уларнинг оила аъзоларига кириш визаларининг консуллик йиғимлари ва бошқа йиғимлар ундирилмасдан белгиланган тартибда расмийлаштирилишини таъминлаши;

Ички ишлар вазирлиги Туризм ва спорт вазирлиги буюртманомаларига кўра олимпия ва паралимпия захиралари коллежлари ва бошқа спорт-таълим муассасаларига жалб қилинган хорижий мутахассисларга, шунингдек, уларнинг оила аъзоларига давлат божи ундирилмасдан кўп марталик визалар берилишини ва кўп марталик визалар муддати узайтирилишини ҳамда улар Ўзбекистон Республикасида яшаш жойи бўйича вақтинча рўйхатга олиниши ва муддати узайтирилишини таъминлаши эътиборга олинсин.

3. Молия бош бошқармаси (З.Бахриддинов) 2022 йилдан бошлаб туман (шаҳар)да олимпия ва паралимпия спорт турлари бўйича расмий спорт мусобақаларини ўтказишни молиялаштириш учун маҳаллий бюджетдан берилиши, бунда, ушбу маблағларнинг ажратилганлиги ва унинг

харажатлари “Очиқ бюджет” ахборот порталига жойлаштириб борилишини таъминласин.

4. Болалар-ўсмирлар спорт мактаблари, ихтисослаштирилган болалар-ўсмирлар спорт мактаблари, олимпия ва миллий спорт турларига ихтисослаштирилган давлат мактаб-интернатлари, олимпия ва паралимпия захиралари коллежлари раҳбарларининг спорт бўйича ўринбосарлари ва тренерлари ҳар ярим йилда камида бир марта умумий ўрта таълим мактабларига бевосита ташриф буюриб, иқтидорли ёшларни тегишли спорт-таълим муассасаларига жалб қилиш бўйича селекция ишларини амалга оширсин.

5. Туризм ва спорт бош бошқармаси (А.Туйчиев) Олимпия захиралари коллежи (А.Дадабаев) манфаатдор бошқарма ва идоралар билан биргаликда Ўзбекистон Республикаси Президентининг 2021 йил 5 ноябрдаги ПҚ–5279-сон қарори талабларидан келиб чиқиб иш ташкил этсин.

6. Мазкур қарорнинг бажарилишини назорат қилиш вилоят ҳокимининг ўринбосари Б.Нуритдинов зиммасига юклансин.

Viloyat hokimi



Sh.Abdurazakov